

Болаларнинг МТТга келмаган кунлари учун тўлов қайта ҳисоб-китоб қилинади

Image not found or type unknown

Бугундан эътиборан барча мактабгача таълим ташкилотлари карантин мақсадида ёпилади. Мактабгача таълим вазирлиги МТТлар ёпилган кунлар учун тўлов қайта ҳисоб-китоб қилинишини назорат қилади.

Сизлардан ваҳимага тушмасликни илтимос қилиб қоламиз. Ушбу чоралар мутлақо профилактик моҳиятга эга ва аҳоли соғлиғини таъминлашга қаратилган.

Қуйидаги эҳтиёт чораларига қатъий риоя қилишни тавсия қиламиз:

- одамлар кўп тўпланадиган жойларга бормаслик ёки имкон қадар камайтириш (оммавий тадбирлар, бозорлар, савдо-кўнгилочар марказлар);
- ниқоблар тақиш;
- грипп ёки шамоллаш аломатлари мавжуд бўлган инсонлар билан муомала қилмаслик;
- уйга қайтганингизда ва жамоат жойларида, транспортларда ҳар қандай юза қисмларни ушлаганда қўлингизни совун билан яхшилаб ювинг ёки бактерияларга қарши ва антисептик воситалардан фойдаланинг;
- қўл бериб кўришиш, қучоқлашиш ва шунга ўхшаш одатларни тарк этинг;
- гаджетлар ва оргтехникаларни доимий равишда дезинфекцияланг;
- фақат ўз шахсий гигиена воситангиздан фойдаланинг.

Мактабгача таълим вазирлиги Матбуот хизмати